

## ხელშეკრულება

ქ.ახალციხე

8.04.2019 წ.

ჩვენ, აღნიშნული ხელშეკრულების მხარეები: ერთის მხრივ სსიპ სამცხე-ჯავახეთის სახელმწიფო უნივერსიტეტი, წარმოდგენილი მისი რექტორის მაკა ბერიძის სახით (შემდგრადში უნივერსიტეტი) და მეორეს მხრივ ააიპ სამცხე-ჯავახეთის ვეტერინართა რეგიონული ასოციაცია (შემდგომში-ასოციაცია), წარმოდგენილი მისი დირექტორის შოთა ყულჯანიშვილის სახით, ორივე მხარე ერთად წოდებული როგორც „მხარეები“, ვდებთ წინამდებარე ხელშეკრულებას შემდეგზე:

### 1. ხელშეკრულების საგანი:

წინამდებარე ხელშეკრულებით ასოციაცია ვეტერინარიის ინტეგრირებული სამაგისტრო საგანმანათლებლო პროგრამით განსაზღვრული სპეციალობის (დარგობრივი) პრაქტიკის პროგრამისა და სასაწავლო კურსის სილბუსის/სილაბუსების შესაბამისად უზრუნველყოს პრაქტიკული კომპონენტის განხორციელება ცხოველთა კეთილდღეობისა და მათი დაცვას, ვეტერინარული მომსახურების უზრუნველყოფა და სავეტერინარო კანონმდებლობის კუთხისით.

#### 1.1 შემდეგი მიმართულებებით:

- საკონსულტაციო შეხვედრა რეგიონში მოღვაწე ფერმერებთან და ბიზნესოპერატორებთან;
- ყოველთვიური შეხვედრები რეგიონში სურსათის უვნებლობის წარმომადგენლობასთან;
- შეხვედრები რეგიონში სოფლის მეურნეობის სამინისტროს საინფორმაციო-საკონსულტაციო სამსახურის წარმომადგენლებთან;
- შეხვედრები რეგიონში მოღვაწე არასამთავრობო ორგანიზაციებთან;
- სადემონსტრაციო საქმიანობა ფერმებში;
- ტექნიკური ტრენინგი ვეტერინარებს.

### 2. ხელშეკრულების მოქმედების ვადა და პირობები

#### 2.1 პროგრამის სახელწოდება: ვეტერინარიის ინტეგრირებული სამაგისტრო საგანმანათლებლო პროგრამა.

#### 2.2 პრაქტიკული კურსის ხანგრძლივობა, დაწყებისა და დასრულების ვადები ემთხვევა უნივერსიტეტის შესაბამისი სასაწავლო სემესტრის ვადებს.

#### 2.3 პროგრამის პრაქტიკული ნაწილის აღწერა: პროგრამის ფარგლებში დაგეგმილი პრაქტიკული ღონისძიებები მიმართულია ვეტერინარიის სამაგისტრო პროგრამის სტუდენტების პრაქტიკულ საქმიანობაში ჩართვისა და მათთვის შესაბამისი პრაფესიული უნარ-ჩვევების გამომუშავებისაკენ. გავლილი პრაქტიკა სტუდენტებს უღიარდებათ სპეციალობის პრაქტიკისა და სილაბუსის მოთხოვნების მიხედვით.

#### 2.4 ხელშეკრულებას თან ერთვის სპეციალობის პრაქტიკის პროგრამა და სილაბუსი (დანართი №1), რომელიც განსაზღვრავს პროგრამის დეტალებს და წარმოადგენს ხელშეკრულების განუყოფელ ნაწილს.

2.5 წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს მხარეთა მიერ რაიმე სხვა გადაწყვეტილების მიღებამდე.

2.6 ხელშეკრულების შეწყვეტის ინიციატორი მხარე ვალდებულია ხელშეკრულების ვადას გასვლამდე 2 თვით ადრე წერილობით აცნობოს მეორე მხარეს შეთანხმების შეწყვეტის თაობაზე.

### 3. მხარეთა უფლებები და ვალდებულებები

#### 3.1 ასოციაციის უფლებებია:

- მიიღოს ინფორმაცია ვეტერინარიის ინტეგრირებული სამაგისტრო საგანმანათლებლო პროგრამისა და სილაბუსების სრულყოფასა და დახვეწაში უნივერსიტეტში არსებული რეგულაციების შესაბამისად;
- ასოციაციის შეუფერხებლად ფუნქციონირების მიზნით საჭიროების შემთხვევაში დასვას პრაქტიკის გრაფიკის ცვლილების საკითხი;
- მოითხოვოს პრაქტიკის ობიექტზე შინაგანაწესის შესრულება, დაცვა და განახორციელოს კონტროლი.
- საჭიროების შემთხვევაში ჩატაროს ვეტერინარული მიმართულებით არსებულ პრობლემებზე სამეცნიერო კვლევები უნივერსიტეტთან ერთად და გამოიყენოს უნივერსიტეტის საკონფერენციო სივრცე და აუდიტორიები სხვადასხვა სახის ღონისძიებების ჩატარებისა და ტრენინგების განსახორციელებლად;
- განახორციელოს საქართველოს კანონმდებლობით განსაზღვრული სხვა უფლებამოსილებანი.

#### 4. ასოციაცია ვალდებულია:

- 4.1 უზრუნველყოს პრაქტიკის კომპონენტის განხორციელება, სილაბუსების შესაბამისად და კლინიკის საქმიანობის სფეროს გათვალისწინებით;
- 4.2 გამოყოს კვალიფიციური სპეციალისტი პრაქტიკის ხელმძღვანელად;
- 4.3 უზრუნველყოს სტუდენტები და კვირვებითი და გაცნობითი შეხვედრებით;
- 4.4 პრაქტიკის ხელმძღვანელის უშუალო ზედამხედველობით ჩართოს სტუდენტი რეალური შემთხვევების განხილვა/ანალიზის პროცესში, რეგიონის მასშტაბით გამართულ საკონსულტაციო შეხვედრებში, ტრენინგებში და სხვა;
- 4.5 ნება დართოს უნივერსიტეტის წარმომადგენელს დაესწროს წინამდებარე ხელშეკრულებით განსაზღვრული ვალდებულებების შესრულების პროცესს.

#### 5. უნივერსიტეტის უფლებებია:

- საჭიროების შემთხვევაში, უნივერსიტეტში მოქმედი რეგულაციების შესაბამისად სასწავლო პროგრამიაში შეტანილი ცვლილებები ასახოს სილაბუსებში

#### 6. უნივერსიტეტი ვალდებულია:

- 6.1 სასწავლო სემესტრის დაწყებისას მიაწოდოს ასოციაციას სტუდენტების სია და მათი საკონტაქტო ინფორმაცია;
- 6.2 დროულად მოახდინოს ასოციაციის ინფორმირება სილაბუსის ცვლილების შემთხვევაში.

- 6.3 დაიცვას შრომითი ხელშეკრულებით ნაკისრი ვალდებულებები;
- 6.4 ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი და ჯეროვანი შესრულება.

## 7. დასკვნითი დებულებები

- 7.1 წინამდებარე ხელშეკრულება გაფორმებულია ორი თანაბარი იურიდიული ძალის მქონე ეგზემპლიარად.
- 7.2 წინამდებარე ხელშეკრულებაში ცვლილებები და დამატებები შეიძლება შეტანილ იქნეს მხარეთა შორის წერილობითი შეთანხმების საფუძველზე.

ააიპ სამცხე-ჯავახეთის ვეტერინართა  
რეგიონული ასოციაცია  
საიდენტიფიკაციო კოდი: 424065576  
მისამართი: ქ. ახალციხე რუსთაველის ქ. #  
122

დირექტორი: შოთა ყულჯანიშვილი



სსიპ სამცხე-ჯავახეთის სახელმწიფო  
უნივერსიტეტი.  
საიდენტიფიკაციო კოდი: 424066977  
მისამართი: ახალციხე, რუსთაველის 113

რექტორი, ასოცირებული პროფესორი:  
მაკა ბერიძე

